



07701



影宋本太  
平寰宇記

補闕  
古逸叢書  
之二十六

遵義黎  
氏校刊

太平寰宇記序

朝奉郎太常博士直史館賜緋魚袋臣樂史

臣聞四海同風九州共貫若非 聖人握機蹈杼織成天下何以逮此自唐之季率土纏兵裂水界山窺王盜帝至于五代環五十年雖奄有中原而未家六合不有所廢其何以興祖龍爲炎漢之梯獨夫啓成周之路皇天駿命開我

宋朝 太祖以握斗步天掃荆蠻而翰吳蜀 陛下

以呵雷叱雷蕩闔越而縛并汾自是五帝之封區三皇之文軌重歸正朔不亦盛乎有以見皇王之道全開關之功大其如圖籍之府未修郡縣之書何以頌

晉今

寰宇記序

一

眉陽王朝

萬國之一君表千年之一聖眷言闕典過在史官雖則賈耽有十道述元和有郡國志不獨編修太簡抑且朝代不同加以從梁至周郡邑割據更名易地暮四朝三臣今泐波討源窮本知末不量淺學撰成太平寰宇記二百卷并目錄二卷起自河南周于海外至若賈耽之漏落吉甫之闕遺此盡收焉萬里山河四方險阻攻守利害公襲根源伸紙未窮森然在目不下堂而知五土不出戶而觀萬邦圖籍機權莫先於此臣職居館殿志在坤輿輒撰此書冀聞天聽誠慙淺略仰冒宸嚴謹上

太平寰宇記卷第一百一十三

江南西道十

岳州

興國軍

岳州

**岳州**

巴陵郡今理巴陵縣

南隣蒼梧之野古三苗國地又為麋

子國春秋文公十一年楚子伐麋即此有青草洞庭

巴丘三湖在焉戰國末猶屬楚亦為楚羅國之地故

楚辭言汨羅是也羅縣北有汨水即屈原所溺處秦

并天下為長沙郡地按楚地記云巴陵即瀟湘之淵

在九江之間二漢因之吳以為要扼之地置戍兵以

三十七

案字一百二十三

一

鎮之建安中孫權使魯肅孫皓時萬或皆屯於此又

吳錄云晉分長沙之巴陵等六縣置建昌郡在巴陵

按今州即晉建昌郡也以陶侃鎮之後省入長沙至

宋文帝又分其地置巴陵郡按齊求明二年封子倫

為巴陵王後為廢帝所害梁武帝又封齊明帝子寶

義為巴陵郡王奉齊後以繼三恪至武帝末湘東王

遣陸法和等據赤亭擒侯景將任約於此今郡西華

容界有赤亭故城是也城近赤亭湖因以名之尋至

元帝都荆別立巴州領巴陵郡至隋平陳廢郡改巴

州為岳州煬帝元年改為羅州三年又改為巴陵郡

至十三年郡人董景珍等以羅縣令蕭銳為主起兵

於此唐武德四年平蕭銑置巴州領巴陵華容沅江  
羅湘陰五縣六年改爲岳州省羅縣天寶元年改爲  
巴陵郡乾元元年復爲岳州

元領場縣六 今縣四場一

巴陵 華容 平江 橋江

舊名沅江

王朝場

一縣割出

湘陰

入潭州

州境

東西三百四十七里 南北一百二十里

四至八到

二千三百六十九 寰宇一百五十三 二

東北至東京陸路一千八百一十六里水路四千三

百四十四里

西北至西京一千八百六十五里

西北至長安二千一百二十五里

東至鄂州七百里

南至潭州二百八十里

西至澧州三百二十里

北至復州沔陽縣五百五十里

東南至洪州一千八百五十六里

西南至卽州六百里

西北至江陵府五百七十五里

東北至鄂州五百七十五里

戶

唐開元戶一萬七千一百

皇朝戶主六千二百九十八客八千二百九十七

風俗

同湘州

人物無

土產

白紵布

魚

稻

鱉甲貢

鮑魚

龜甲

鱣魚

巴陵縣

舊五鄉今一鄉

本漢下雋縣之巴丘地漢書地理志

三三良

寰宇二百十三

三

下雋縣屬長沙國按漢下雋縣在今鄂州蒲圻縣界此即其地又按輿地志云巴丘有大屯成魯肅守之按郡城即肅所築也蜀志曰西增白帝之屯北增巴丘之屯皆此地吳為巴陵縣吳錄地理志云巴丘縣屬長沙郡江源記云昔羿屠巴蛇於洞庭其骨若陵故曰巴陵淮南子曰斬脩蛇於洞庭是此地也自吳至唐州皆理於此縣界有古巴丘。岳陽樓唐開元四年張說自中書令為岳州刺史常與守士登此樓有詩百餘篇列於樓壁。大江在縣北五里東流入洞庭。湖水在縣西南一里五步會洞庭。雲夢澤半在江南半在江北其

水中平土上半出有篠幹森松之翠。五渚戰國時秦破荆襲郢取洞庭五渚是也。望夫山郡國志云巴陵望夫山昔婦人望夫因化爲石。君山博物志云君山洞庭之山是也帝之二女居之曰湘夫人帝女遣精衛至王母取西山之玉印印東海北山庾穆之湘州記云昔秦皇欲入湘觀衡山而遇風浪溺敗至此山而免因號爲君山又荊州圖經云湘君所遊故曰君山有神祈之則利涉山下有道與吳包山潜通上有美酒數斗得飲者不死漢武帝故事云帝齋七日遣纁賓將男女數十人至君山得酒欲飲之東方朔曰臣識此酒請視

之因即使飲帝欲殺之朝曰臣若死此酒不驗如其有驗殺亦不死帝赦之。洞庭湖山海經云洞庭之山帝二女居之是遊於江淵澧沅之風交瀟湘之淵是在九江之間唐孟浩然詩云氣蒸雲夢澤波撼岳陽城許渾詩云四顧疑無地中流忽有山。巴上湖湖中有曹由洲即曹公爲孫權所敗處。夏口浦郡國志云夏口浦有龍魚昔禹南濟黃龍夾舟之所。曹由洲按通典括地志云巴湖中有曹由洲即曹公爲吳所敗燒舡處在今縣南四十里又云今鄂州蒲圻縣有赤壁山即曹公敗處按三國志云劉表卒其子琮代屯襄陽劉備屯樊琮降曹

公備遂南走曹公恐備先據江陵將精騎急追及於當陽之長坂備與數十騎走斜趣漢津濟沔到夏口曹公進軍江陵得劉琮水軍舡步數十萬自江陵征備至巴上遂至赤壁孫權遣周瑜水軍數萬與備併力逆之曹公泊江北岸瑜部將黃蓋詐降戰艦數十艘因風放火曹公大敗從華容道步歸退保南郡備瑜等復追之曹公留曹仁守江陵城自徑北歸而漢陽郡圖經云赤壁城一名烏林在郡西北二百二十里在沔川縣西八十里跨沔南北此大誤也曹公既從江陵水軍沿流已至巴上則今巴陵郡赤壁只在巴上郡之下軍敗引還

南郡劉備周瑜水軍追躡並是大江之中與沔川西殊爲乖角今據括地志爲是當在巴陵江夏二郡界其漢陽郡圖經及俗說悉皆訛繆所以備錄國志以爲證據爾。生江湖與青草湖相連大小與太湖相似。青草湖側有青草因以爲名在縣西南七十九里有青草神廟沅水亦經此城下故水經云注洞庭方入大江是也。象湖巴蚩吞象曝骨於此因以名湖。鴨欄磯郡國志云巴陵之地有鴨欄磯即建昌侯孫慮作鬪鴨欄於此陸遜諫止之所因得名

縣城吳大帝分屬陵縣地於今縣東北二里置安南縣至隋平陳改安南爲華容縣屬羅州取古華容城以名之按古華容在竟陵郡界與今邑相近爾大業三年以羅州爲巴陵郡十年以縣移於今理垂拱二年犯武氏諱改爲容城縣神龍元年又改爲華容縣。方臺山在縣南二十二里蕭誠荆南志云山出雲母土人採之先候雲所出之處於下掘取無不獲徃徃長五尺者可以爲屏風當掘之時忌有聲響則所得廉惡。神護山在縣西南三十五里。玄石山楚詞云馳余車於玄石又云步余馬於洞庭是也。雲母泉李華雲母泉詩序

云洞庭戶西玄石山俗謂之墨山山南有佛寺倚松嶺嶺下有雲母泉泉出石引流分渠周遍庭宇發源如乳渾末派如淳漿烹茶灌園漱濯皆用之大浸不盈大旱不耗自墨山西北至石門東南至東陵廣輪二十里盡生雲母墻堦道路烟如列星井泉溪澗色皆純白鄉人多壽考無癘痼疥搔之疾華深樂之是也。青草湖中有大江在縣東一百里屈而南與沅湘二水合湘水春夏漲冬入零陵則大江見。赤沙湖在縣南六十里。楊子洲洞庭記云此洲之間嘗苦蛟患昔荆有飲飛者將太阿渡江江神奪之兩蛟夾船欲飛入水斬蛟而

出波馬今廟在洲上。屈原祠今號三閭大夫祠  
與湖神祠相並

**橋江縣**

西南三百七十里隔洞庭赤湖二湖并沅湘二江元四鄉

漢益陽縣地梁

元帝於今縣北十里分置重華縣隋平陳併所領  
縣入重華仍改爲安樂其年又南移於今縣西南  
十五里故城十三年復移於今理十八年改安樂  
縣爲沅江縣蓋取沅水爲名大業三年以縣屬羅  
州州即今岳州是也自來所隸不改乾寧之後馬  
氏割據改爲橋江縣以湘江北橋口分流因水爲  
名。風山在縣西南七十四里山與卽州龍陽縣  
分界。資水南自益陽界北流經縣西十步又北

四十六年

寰宇二百十三

七

流合沅水。赤鼻湖半入卽州龍陽縣界湖中有  
赤鼻山因以爲名

**平江縣**

東南六百五十里隔洞庭青草二湖并汨羅江元四鄉

本漢羅縣地後

漢分其地爲漢昌縣孫權又於縣立漢昌郡以魯  
肅爲太守又改爲吳昌縣隋平陳省唐神龍二年  
析湘陰地又於吳昌故城置以界內昌江爲邑之  
名亦曾隸潭今隸岳後唐改爲平江縣。純山在  
縣東南七十里有純水在縣南三十步其源出此  
山北流合汨水

**王朝場**

北六十里沅縣只管五鄉

本巴陵縣地後唐清泰三年潭

州節度使析巴陵縣置王朝場以便人戶輸納出

茶。幕府山。奉國山。迴田江。暹江皆郡界之山水

興國軍

**興國軍**理永興縣本鄂州永興縣開寶七年偽唐國建為

制置院 皇朝太平興國二年四月昇為軍仍割

鄂州通山大冶并永興三縣屬焉

領縣三

永興 通山 大冶

軍境

東西三百七十五里 南北三百一十里

四至八到

二三千里 粟字一百十三 八

圖經未有至二京地里數

東至江州德化縣二百三十五里

南至德化縣四百六十五里

西至通山縣二百里

北至大冶縣一百三十里

東南至大將嶺與德化縣界二百里

西南至洪州武寧縣四百三十五里

西北至鄂州四百六十里

東北至大江中流與蘄州蘄春縣界一百里

戶

舊戶載鄂州籍

皇朝戶一萬二千二百六十四客一萬九百九十六

風俗

與鄂州同

人物無

土產

茶

銅

鐵

銀

永興縣

東南四百里舊十鄉今八鄉

本漢鄂縣地屬江夏郡吳大

帝分鄂立陽新縣按吳書云孫權自公安還居鄂改名武昌以武昌下雒陽陽新柴桑沙羨六縣權立武昌郡未屬武昌已前屬豫章晉惠帝元康元年以豫章等郡爲江州據元康已前屬荊州元

三  
中  
十六  
志

寰宇一百十三

九

康已後屬江州晉義熙中下雒併入新吳宋書云孝建元年嫌上流強盛遂分荊州之竟陵安陸江

夏三郡湘州之武陵巴陵二郡江州之武昌西陵

齊安三郡分置郢州廢新吳安昌二縣又改郢州

此縣屬焉陳授黃普爲桂州刺史領五百戶爲衛

隋開皇元年普不得到任其五百戶仍住仲謀故

城其年使人韋焜以五百戶取東界江州廢永興

縣號闔閭城開皇九年黃普被誅至十一年使人

牛引併永興縣入富川縣至十八年又改富川縣

爲永興縣居高陵故城貞元八年民請再移於長

樂鄉深湖口置縣即今理也太平興國二年建爲

興國軍。闔閭山在州東四百七十里在縣之北  
史記云闔閭九年子胥伐楚吳越春秋云子胥將  
兵破楚掘平王之墓屯軍城於此山。峻山在州  
東南四百六十里武昌縣記云其山嶮峻有黃蘗  
多毒蛇無人敢取。印山西去州四百六十九里  
武昌縣記云奉新縣有渚石臨水高三十丈上有  
字髣髴相似輿地志云縣西有石臨水有書字名  
爲印山即此也。朔山在州西五百六十里武昌  
縣記云朔山有竹長一十餘丈圍數尺嘗有聲天  
將欲雨此竹鳴焉今無此竹。父子山在州西北  
三百六十里武昌記云其山北面有一高巖嶮峻

飛走莫及巖下有父子二人緣山採蠶俱墜巖下  
從此爲名。千仞山在州西四百一十里武昌記  
云其山高一百丈。五龍山在州西三百一十五  
里武昌記云其山有五嶺狀似龍形。石鼓峴山  
在州西三百四十里武昌記云峴山有石鼓鳴天  
必雨峴山南有冷澗夏寒不可入驗今無此水及  
鼓。龍角山在州西三百五里頂上兩峯相對本  
名熊耳山天寶四年勅改爲龍角山。菁山輿地  
志云上有望夫石石上曾生蕪菁山上有石高三  
丈形如女人謂之望夫石傳云昔有貞婦其夫赴  
國難婦送於此遂化爲石。翠屏山在州西北七

百一十里輿地志云水入富池一百八十里奉新  
上流三百里有城山三面壁立一面峻極水是奉  
新大源本名石城天寶五載改爲翠屏山。九宮  
山在州西北五百八十里晉安王兄弟九人造九  
宮殿於山。角山在州西三百七十四里大冶場  
界武昌記云天欲雨其山有聲如吹角。慕容暉  
廟在縣西南一十里苻堅爲東晉謝玄所敗暉遂  
奔江表依山爲柵自固後立祠焉。高陵王廟在  
縣東二百五十步秦高陵王居秦地後封楚王居  
此因立祠焉。梁王太尉廟在縣西三十五里梁  
太尉王君才爲陳武先所害於白茆洲今廟在沫

村是也。張平子宅在縣西南四百一十里衡少  
居翠屏山今開鑿之所儼然。鍾繇墨池在縣西  
南一百七十里漢書云鍾繇少學於此山臨池學  
書池水盡黑其地石甃并下築蔬圃畦壟見存遂  
名鍾山。紀詢宅在縣西七十五里。孟嘉宅在  
縣西南一百一十里武昌記云嘉有重名爲桓温  
長史有墓在縣西。故下雒縣在今縣東山路六  
十里今無基址漢書云高帝置江夏郡此縣屬焉  
武昌記云晉義熙中併入奉新縣。故安昌縣在  
今縣西北九十里平川雖有縣名今無基址梁普  
通七年置隋開皇九年廢併入富川縣。故富川

縣在今縣西南五十里平川隋開皇九年戶部侍郎韋煨立十一年併入永興縣。故奉新縣在今縣西南一百八十三里輿地志云奉新吳大帝立去溪五十步武昌記云晉義熙中下雒縣併入奉新至隋開皇九年奉新又廢入富川縣。故永興縣在今縣北八十里武昌記云隋開皇九年黃普授桂州刺史不得到任領五百戶住闔閭城使人韋煨取東界江州廢永興縣別置永興縣至十一年使人牛弘併永興縣入富川縣十八年改富川縣爲永興縣居高陵故城唐大曆十三年觀察使吳仲孺以縣在東北角百姓往來隔山湖奏移居富池深湖側至貞元八年觀察使何士幹奏移於長安鄉深湖口置縣即今縣是

**通山縣**

西二百四十里一鄉

本永興縣新豐之一鄉也淮南僞

吳武義年中隸中山鎮徵賦周顯德六年唐國建爲通山縣 皇朝太平興國二年來屬。通羊

山在縣西八十里與鄂州永安崇陽分界。翠屏山在縣南八十里山上有石城三面有石壁一面峻極本名石城山天寶六載勅改爲翠屏山。九宮山在縣南一百二十里與翠屏山接連圖經云晉始安王兄弟九人造殿於此。張平子宅後漢書云張衡字平子南陽西鄂人也作歸田賦即此也

大冶縣

北一百二十里四鄉

本鄂州武昌縣地天祐二年僞吳

析置大冶青山場院主鹽鐵乾德五年唐國昇爲  
大冶縣 國朝太平興國二年來屬。白雉山

山高一百一十五丈其山有芙蓉峯前有獅子嶺  
後有金鷄石西南出銅鉶自晉宋梁陳已來置鑪  
烹鍊。金牛塾在州西北二百七十六里輿地志  
云昔有金牛從塾出金牛長數丈所露出塾邊積  
上有遺跡

一六十年

寰宇記卷一百一十三

十三

太平寰宇記卷第一百一十三

太平寰宇記卷第一百一十四

江南道十二

潭州

潭州

長沙郡今理長沙郡

禹貢荊州之域古三苗地春秋及戰

國時爲楚黔中之地之南境卽史記所謂昭襄王使司馬錯由蜀路取巫黔因置黔中郡故甄烈湘州記云秦始皇二十五年併天下分黔中以南之沙鄉爲長沙郡以統湘川史記天官云翼軫爲楚分傍一小星爲長沙星星分之南謂之南楚今州卽秦之長沙郡青陽地按郡國志云炎帝神農氏葬於長沙長沙之尾東至江夏謂之沙羨是其地又始皇本紀荆王獻

四十三祖

寰宇一百一十四

一

青陽以西卽此闕駟十三州志云西自湘江至東萊萬里故曰長沙又遁甲經所謂長沙土之福地雲陽之墟可以避難可以隱居漢高五年爲國以封番君吳芮爲王四葉無嗣國除至景帝二年封唐姬之子發於長沙號曰定王長沙國領縣十三後益以豫章南海武陵桂陽岳陽五郡盡屬焉相承七世國滅後復爲郡歷吳不改郭仲產湘州記云晉永嘉元年分諸部置湘州以西臨湘水爲名東晉咸和三年省湘州義熙八年復立湘州十二年省宋永初三年又立仍封弟道憐於長沙元嘉八年又省十七年又置仍爲國兼有湘州領郡十理於此齊因之高帝封子晃

於長沙至梁武帝追封兄懿為長沙王尋又改為郡  
按通典云湘川之奧人豐土闢南通嶺嶠層齒荆雍  
亦為重鎮梁陳以來皆因而不改隋平陳改湘州為  
潭州蓋取州南七十里昭潭為名煬帝初改為長沙  
郡唐武德四年平蕭銑置潭州總管府管潭衡永郴  
連南梁南雲南營八州領長沙衡山醴陵湘鄉益陽  
新康六縣七年廢雲州改南梁為邵州南營為道州  
省新康縣督潭衡郴連永邵道等七州天寶元年改  
為長沙郡乾元元年復為潭州  
皇朝為武安軍節度

元領縣六

今十

二九十五

寰宇一百二十四

二

長沙

湘潭

益陽

湘鄉

醴陵

瀏陽

攸縣

衡州  
割到

衡山

衡州  
割到

湘陰

岳州  
割到

寧鄉

新置

州境

東西六百三十九里

南北七百七十九里

四至八到

北至東京二千二百六十里

北至西京二千四百四十里

北至長安二千六百四十里

東至洪州一千二百里

南至衡州四百五十里

西至辰州屈曲一千一百二十五里

北至岳州水路五百五十里

東南至秦州屈曲五百二十六里

西北至邵州屈曲五百三十四里

西北至郎州四百里

東北至鄂州七百里

戶

唐開元戶五萬七千

皇朝戶主一萬八千五百七十三客三萬四千三百

三十三

三六千

蒙字一百十四

三

風俗

按湘中記云其城有舜之遺風人多純朴士少官情  
今古老猶彈五絃琴好爲漁父吟又按湖南風土記  
云長沙下濕丈夫多天折俗信鬼好淫祀茅蘆爲室  
頗雜越風又漢志云火耕水耨人食魚稻以漁獵伐  
山爲業果蔬羸蛤食物常足故偷生無積聚不憂凍  
餓亦少千金之家有夷人莫徭自言先祖有功免於  
徭役性頗獷悍時謂難理

姓氏

長沙郡五姓

劉 茹 曾 秦 彭

人物

唐歐陽詢臨湘人太子率更令子通夏官尚書

土產

絲布

葛布

紵布

檀皮

烏梅

木瓜

楮皮

魚稻

竹木

雲母

抱朴子云長沙雲母服之不朽

茶

長沙之石楠其樹如棠梅採其芽謂之茶湘人以此茶四月摘撈桐葉搗其汁伴米而蒸猶蒸麩之類必

啜此茶乃其風也尤宜暑月飲之潭邵之間有渠江中有茶而多毒蛇猛獸鄉人每年採擷不過十六七斤其色如鐵而芳香

異常烹之無滓也

長沙縣

舊二十五鄉今二十鄉

古青陽之地秦始皇時荆王所

獻秦末為湘縣漢為臨湘縣以地臨湘水為名屬

四六年

宋寧一一百二十四

四

長沙國吳志孫權改封步騭為臨湘侯即此隋平

陳廢長沙郡改臨湘為長沙縣屬潭州。東華山

在縣北二里亦名石室亦名神仙之洞府也。嶽

麓山在縣西南隔江六里盛弘之荊州記云長沙

之西岸有麓山其中有精舍左右林嶺環迴泉澗

精舍旁有白礬石每至嚴冬其上不停霜雪宗淵

麓山記云山足曰麓蓋衡山之足也。昭山在縣

南七十里山臨湘水下有潭宋永初山川記云山

下有旋潭深無底是湘水最深之處昔有人舟覆

於此潭其甃後於洞庭得之即知暗通。雲母山

在縣西北九十里山出雲母列仙傳云長沙雲母

服之長生。雲山在縣西六里隔江乃衡岳之足時有白鹿現有精舍曰道林。金牛山在縣西南九里。弦歌山在縣東南三十里晉太尉陶侃葬女之處山頂時聞弦歌之音。湘水在縣治西一里又北流注洞庭湖酈道元注水經云湘水又北經南津城西西對橘州諺曰昭潭無底橘洲浮又按郡國志云湘水邊有石魚山本名立石山高八十餘丈石色黑而重疊若雲母每發一重則有自然魚形有若刻畫長數寸燒之作魚膏腥。瀉水注水經云瀉水東入臨湘。五美女湘中記云五美女在長沙縣東二十五里光武時有五美女居

於此溪之側後因爲名。程浦在縣南一十里對今古城吳黃武二年使將程普爲都尉征賊立盟於此後人語訛湘人或謂鄭浦非也。陶侃湖在縣北八里周迴七里湖中出菱藕今俗謂陶湖塘。○城隍郡國志云州城東池隍名舍香沼水不曾竭竭則有兵。石虎在縣東四里每食倉廩當吳芮爲王之時倉廩廢耗芮以生肉祭之後截其頭截其身由是長沙人謠曰石虎頭截倉廩不闕。

橘洲在縣西南四里江中時有大水諸洲皆沒此洲獨浮上多美橘故以爲名晉惠帝永興二年生此洲。新市在縣東北一里半昔吳芮爲長沙王

百姓種植累年不熟民乏困弊王遣人訪問至澧州有一道士有狀聞王云郡東南皆流水此土豐可置市王遂徙市以背流水自此五穀歲熟人無災患。龜塘在縣東南八里塘下有良田數百頃晉太始中有神龜皎然白色其形長四尺數出其塘土人名之。三山石下城在縣西北十里昔吳主孫權以程普爲長沙都尉以防關羽因此爲名。定王廟在縣東北一里百姓歲時祀之不絕廟連岡高七丈俗謂定王岡。漢文帝廟史記云景帝二年諸侯郡國置太宗廟因而立在湘水西臨嶽麓山下水旱迄今祈之。賈誼廟在縣南六十

步漢時爲長沙王傳廟即誼宅也中有井上圓下方泉與洪州禪林寺井通誼沒後晉有道人許旌陽入井赴龍仍出彼井誼有局脚石床猶在廟中廟與孫破虜廟相並堅亦有石床碁局并庭松一株存。吳王廟漢吳芮墓在縣北四里諸葛誕長史吳綱時有人見綱云君酷似吳芮但微短綱驚曰君何由知之客曰黃初二年至長沙見人發芮冢內多玉器芮僵屍容貌儼然如生衣服不朽綱曰是吾十一世祖所見玉器今復何在云在孫堅廟中。陶侃墓在縣南二十里晉永興二年帝遣使掘斷陶侃冢岡日夜併工日掘夜合有人夜聞

人云若以青布袋盛土拋於江中此須爲斷後人語聞官即時穿斷今猶謂之陶岡。雙女墓即漢長沙王葬程唐二姬之家墳高七丈在縣側十里號曰雙女墳。古初墳後漢古初遭父喪未葬隣人失火延及初家力不能遷柩乃伏其上以身捍火火遂滅長沙異之以爲至誠所致。陶侃宅今爲南寺。廢湘南縣在縣西六十里臨漣水漢書地理志云秦所立兩漢不改至晉惠帝時置衡州梁天監六年廢入湘潭縣。廢湘西縣在州西。銅官山在縣北水路一百里甄烈湘川記云蓋楚之鑄錢處故曰銅官山。寒泉井在縣南一里宋

案字一百二十四

七

永初山川記云長沙有寒泉炎夏飲之令人寒顫郭仲產湘州記云其水清美汲之則注而不竭不汲則滿而不溢今按其泉有穴相去四尺。溫泉井在縣西二百九十里孤山之側其水常沸近蔣琬宅

湘潭縣

西一百四十里舊十二鄉今十三鄉

本漢陽山湘南二縣地

屬長沙國後改陽山爲陰山今縣西六十二里故湘南城是東臨漣水蕭齊省入湘潭縣又按吳書云孫亮太平二年分長沙西部立衡陽郡至晉以郡爲衡山縣至永嘉元年丁卯立湘州領八郡即此縣是其數也宋武封子義季爲衡陽王即此地

本在西岸何承天任郡移置湘水岸北

未移已前自行其地

見一蛇長數丈圍遶俄而雷電暴至當蛇之所梁

有白氣衝天雨靜不知所止遂因其處立縣

書謂武帝天監中分陰山縣爲湘潭縣屬長沙國

是也。武陽山衡山一名岫嶺山宿當翼軫度應

機衡故曰衡山有朱陵之靈臺太虛之寶洞上承

翼宿銓德鈞物故名衡山下踞離宮攝統火師故

號南嶽赤帝館其嶺祝融託其陽前後爽秀峙立

無雙逮于軒轅始以瀟霍二山爲副焉甄烈湘州

記云漢武以衡山遙遠以廬江霍山假而謂焉後

人誤以衡山爲霍山按會稽山亦名衡山瀟之天

柱亦名衡山並非此也羅含湘中記云衡山有玉

隳遙望衡山如陣雲又有峯名華蓋一名紫蓋即

山東北準也庾仲雍湘州記云其峯有石困昔禹

治洪水登而祭之因夢遇玄夷使者遂獲金簡玉

字之書果得通水之理吳越春秋禹所得金簡玉

字在會稽山山海經云衡山周旋二千里是其山

原回曲之數夏禹刻石書名在山之上南嶽記云

高四千五百丈。犀峯湘中記云高陵峯東南上

有犀峯其峯有駭鷄犀常戲其上。青壇羅舍湘

中記云祝融峯山有青玉壇方五丈即仙人行道

之所。仙宮南嶽記云流丹崖南五里得仙人宮

道士非絕穀養氣不得入此宮。蛟井湘州記云

衡山石廩峯最高巨木千尋蛟井連屬。岫嶸峯有響石如人共語而不可解但唱岫嶸猶言拘留也。石廩峯一如倉廩有二戶一開一閉閉者有鎖鑰之形。紫蓋峯上有赤鷲雙飛白雉成群鷓鴣夜鳴有似更轉又有白鶴翱翔黃馬夜遊。祝融峯上有青玉壇壇上望見衡陽及長沙壇名魏夫人壇有瀑水懸灑壇上一名飛流壇。鷄頭陂陂西有石室內有白玉床榻瓦香鑪一又有銅鑑一鑑中猶有藥氣。石鼓懸在山傍鳴則兵與灌陽縣裴巖下石鼓相類也。風穴一謂之風都即風井焉。迴鴈峯衡山之南峯也鴈到此不過而

迴故曰迴鴈峯。湘水源出桂州界及永州湘川縣楊梅山東北流經永州又北入衡山縣又北至岳州洞庭湖入九江郭景純謂湘水出永州陽朔山北小異也。嶽祠南嶽廟歲以太牢祀之餘胙必失血味廟號司天王開元中五嶽同時封

益陽縣

西北一百八十里元三鄉

本漢舊縣屬長沙國按地圖云

今縣東八十里即漢之益陽故城也又郡國志云益陽故城魯肅築登之望見長沙城邑人馬形色宛然相去三百里故老云長沙益陽一時相望即此地以其邑在益水之陽故名貞觀二十年移理於此。五溪山在縣西北五十八里北入郎州界

太平寰宇記卷第一百一十五

江南西道十三

衡州

邵州

衡州

**衡州**

衡陽郡今  
理衡陽縣

禹貢荆及衡陽惟荊州即此地春秋

時屬楚秦屬長沙郡漢爲酃縣地屬長沙國今衡陽縣東十二里故酃城是也其實桂陽郡地後漢屬長沙桂陽二郡之境又郡國志云衡州郡城諸葛誕築吳少帝太平二年分長沙之東部立爲湘東衡陽二郡湘東郡理酃縣晉太元中省酃縣併入臨蒸宋元

三六十月

寰宇一百一十五

一

嘉二十九年改封淮陽王爲湘東王此地又爲國至  
秦始皇元年踐祚是爲明帝按甄烈湘州記云大明中  
望氣者云湘中有天子氣遣日者巡視斬山岡以厭  
之遂立湘東王爲天子至齊初改國爲郡明帝封武  
帝子建爲湘東王梁武帝又封皇子繹爲湘東主隋  
平陳省湘東衡陽二郡因置爲衡州因衡山之陽以  
取州名大業三年廢州爲郡唐武德四年平蕭銑置  
衡州領臨蒸湘潭耒陽新寧重安新城六縣七年省  
重安新城二縣貞觀元年以廢南雲州之攸縣來屬  
天寶元年爲衡陽郡乾元元年復爲衡州

元領縣六

今五

衡陽 茶陵 耒陽 常寧

安仁 潭州割到

二縣割出

衡山 攸縣 已上二縣入潭州

州境

四至八到

西北至東京二千七百一十里

西北至西京二千七百六十里

西北至長安三千九百里

東至吉州九百里

九百里 寰宇二百五

南至永州五百八十里

西至邵州三百五十六里

西至永州五百七十里

北至潭州四百五十里

東南至郴州三百七十里

西南至永州同上

西北至潭州湘潭縣五百八十里

東北至吉州同上

戶

唐開元戶三萬八千七百

皇朝戶主六千九百七十二零七千五百二十二

風俗

與潭州同

人物

蔡倫桂陽人爲常侍造紙天下謂之蔡侯紙

土產

美酒

水銀

朱砂

茶

衡陽縣

十五鄉

本漢酃縣之地因酃湖以爲名屬長沙

國吳太平二年分酃縣立爲臨蒸縣即今郡西七十四里蒸陽故城是也郡國志云俯臨蒸水水氣如蒸故曰臨蒸東晉省此縣入衡陽武德四年平蕭銑改衡山爲衡陽因山之陽以爲名。岫巖山

三四卷

案字一百十五

三

在縣北五十二里按湘水記云衡山南有岫巖山東西闊七十里高一千五百尺下有白露江黃江。雨母山在縣南三十七里東西一百五十里上有祠壇每亢旱祭祀即雨。茶溪括地圖云臨蒸縣東一百四十里有茶溪。蒸水源出縣西水氣如蒸水經云蒸水源出重安縣南又東北至臨蒸入于湘謂之蒸口也。酃湖郭仲產湖州記云縣東有酃湖周二十里深八尺湛然綠色土人取此水以釀酒其味醇美所謂酃酒每年嘗獻之晉帝平吳始薦酃酒于太廟是也。鍾武故城在縣西八十里後漢永建二年改爲重安又移於鍾武故

城東二十里今謂之重安故城隋平陳省重安入臨蒸其鍾武故城西十里有武溪入溪四里又有古城相傳云此城是鍾武故城蓋初理在溪內後移於溪水外

**茶陵縣**

東四百五十里七鄉

漢舊縣屬長沙國又按圖經云茶

陵者所謂陵谷名焉今攸縣東一百四十里茶陵故城是漢爲理所俗名茶王城隋平陳省以城入湘潭縣唐武德四年又於故城立雲州仍立茶陵縣貞觀九年省州并縣聖曆元年又置爲縣即今理也。茶水源出雲陽山北流至縣合雲秋山水。雲秋山在縣南五百里高二千九百丈嘗雲屯於上經日不散有如秋景。雲陽山在縣西十里蒸陽東一百里茶水源出北山西北流經縣理北西入攸縣界

**耒陽縣**

東南一百一十六里七鄉

本漢舊縣郡國志云鰲龜山口即

耒陽也漢書地理志屬桂陽郡因耒水以取名按耒陽縣西有桂陽故城後漢志云建武中自郴縣移理桂陽是此城隋平陳改爲耒陰縣武德四年改爲耒陽縣。侯曇山山有溪豪神祠壇傍有石井嘗無水祀之即水出事畢即乾。翻石山郡國志云耒陽與湘潭爭界立碑爲誌翻覆偷送因以爲名。耒水經縣東又北流合湘水東又有古郡

四、二、步、定

寰宇二百五

四

城未詳所置年代。歷水郡國志云耒陽有歷水一名池水中有大歷可容百斛其字應作萬鼎鑊類也。蘆塘劉義慶幽明錄曰耒陽縣東北有蘆塘淹地八頃其深不可測中有大魚嘗至五日一躍奮出大可三圍每出水則小魚奔迸隨水上岸不可勝計卓異記云有鮫魚五日一化或爲美婦人或爲男子至於變化尤多郡人相戒故不敢有害心鮫亦不能爲計後爲雷電所殺塘自此遂涸。蔡倫宅在縣西南一里後漢小黃門蔡倫桂陽人也今有蔡子池又有魚池并擣網爲紙石臼存見郡國志。羅舍墓在縣南四十里碑文訛缺其

四十四

案字一百十五

五

墓猶存。杜甫墓在縣北二里

常寧縣

南一百八十里三鄉

本秦耒陽縣地屬桂陽郡吳分耒

陽於今縣桂陽一百里春水西岸置新平縣至宋元徽中三洞蠻抄掠州縣遂移縣就江東紙上村置因蠻寇止息遂改爲新寧縣即今理是也又按吳錄地理志云新平屬湘東郡神龍二年又移於今縣北八十里湘水東岸麻溪之西置開元九年復移於今理天寶元年改爲常寧按縣東俯潭水西枕宜江。遙遙山在縣東南一百一十六里。

湘水在縣理北六十里臨湘岸有陽父驛。宜溪水湘州記云傍有穴天旱以水灌之輒致暴雨即

吳都賦云所謂龍穴內蒸零雨所儲也

**安仁縣**

鄉二

本安仁鎮後唐清泰二年徙潭州衡山縣

割宜陽熊耳兩鄉爲場在熊耳鄉周顯德元年賊

亂燒掠移向北五十里宜陽鄉置

皇朝乾德二年昇爲縣

邵州

**邵州**

邵陽郡今理邵陽縣

禹貢荊州之域春秋時屬楚秦爲長

沙郡地漢爲昭陵縣屬長沙國後漢屬長沙零陵二

郡地故吳志云寶鼎元年分零陵郡北部立爲邵陵

郡屬荊州即今郡是也晉武帝改昭陵縣曰邵陵後

曰邵陽宋齊只爲邵陵郡梁陳亦然隋平陳廢邵陵

三ノ廿七先

案字二百十五

六

郡以其地爲縣屬潭州十年又於邵陽縣立建州十

一年又廢州爲邵陽縣唐武德四年平蕭銑置南梁

州領邵陽邵陵建興武崗四縣七年省建興入武崗

省邵陵併邵陽貞觀十年改名邵州天寶元年改爲

邵陽郡貞元元年復爲邵州晉天福初改爲敏州避

廟諱漢初仍舊

元領縣二

邵陽

武崗

州境

東西四百七十里

南北三百七十六里

四至八到

北至東京二千五百七十里

西北至西京二千五百八十五里

西北至長安二千八百四十五里

東至衡州三百五十六里

南至永州三百里

西至辰州八百里

北至潭州湘鄉縣二百四十里

東南至永州三百一十里

西南至巫州水陸屈曲一千八百六十里

西北至辰州同上

東北至潭州陸路五百三十四里

二五五至良

寰宇一百十五

七

戶

唐開元戶一萬八千

皇朝主六千三百七十六客三千六百九十六

人物無

土產

銀 水銀 朱砂 鍾乳 白朮

鷓鴣鮓 舊貢

**邵陽縣** 舊十五鄉今十七鄉 本漢昭陵縣屬長沙國今縣東一

百一十里邵陽故城是舊理後漢改曰昭陽屬零

陵郡吳立邵陵郡晉武帝改為邵陽居邵水之北

晉天福初改為敏政縣漢初復舊○文竹山湘州

記云文竹山上有石床方高一丈四面綠竹扶踈  
嘗隨風委拂此床天旱則禱雨時應。邵陵水水  
經注云邵陵水出邑界東會雲泉水。桃花源雖  
云武陵地實斯郡按郡國志云此源有夫人祠在  
焉。仙人石室郡國志云邵陽有仙人石室到則  
往往聞諷誦之聲。白公城即楚大夫白公之邑  
也。漁父廟屈原所逢漁父於此今有漁父廟在  
焉。古建州城在縣北二里隔資水昔邵州理此  
城隋開皇九年改爲建州至十八年即移理所於  
水南今州城也。古高平縣城在縣北七十五里  
隋開皇九年以其地併入邵陽縣其城廢。古新

四十六表  
寰宇二百十五  
八

縣城在縣東九十里孫吳置晉永嘉中併入邵陽  
縣其城廢

武岡縣 西南四百三十里五鄉 漢都梁縣地屬零陵郡晉武帝

分都梁立爲武岡縣今岡東五十里有漢都梁故  
城是也縣因後漢武陵蠻爲漢所伐來保此岡故  
謂之武岡又郡國志云武岡岡接武陵因以得名  
隋平陳省武岡入邵陽縣大業末改爲武強縣唐  
武德四年復爲武岡縣焉。唐糾山漢志所謂都  
梁之路山資水出焉。資水源出縣西南一百里  
唐糾山東北經流縣南又東經都梁故城南又北  
過扶縣北又東北經州理西又東北至益陽縣北

與沅水合。夫夷故城漢縣故城在今縣東北二百四十里扶水之地東晉以大司馬庾元子父名同改爲扶縣至隋平陳省以地入邵陽今城在。廢扶陽場在州西南二百二十里隋平陳以邵陽郡七縣併二縣此即扶夷縣北界也舊爲扶陽場。廢龍潭場在縣西一百三十里舊爲場。廢白沙場在縣北一百三十里舊爲場已上三場今並廢。招屈亭。綠蘿山亦灣也。明月池深百丈見底。白香湖。薔薇水。丹砂井即廖立宅也。採菱城。滄浪水。漁父亭即漁父見屈原處。娘子神祠云是范蠡女也。放鶴陂梁崔穆於

此羅得雙鶴放之得玉璧一雙送穆庭處。紫苑洲出此藥。李陵廟李陵爲臨沅令後沒匈奴邑人思而立廟已上出郡國志

太平寰宇記卷第一百一十六

江南西道十四

道州

永州

全州

道州

道州

江華郡今理營道縣

昔舜封象有鼻國即其地也春秋及

漢初其地所隸並同零陵武帝元鼎六年長沙置零陵郡屬荊州部後漢因之吳寶鼎元年分零陵北部為營陽郡理營浦今郡是也西晉亦因之宋景平二年傅亮廢少帝為營陽王尋被害國除梁天監十四年改為永陽郡至隋平陳郡廢併其地置永州煬帝

三二定

寰宇一百十六

一

初州廢為永陽縣屬零陵郡唐武德四年平蕭銑復割其地置營州領營道唐興江華永陽四縣五年以北有營州改為南營州貞觀八年改為道州仍省永陽縣十七年廢永州併入上元二年又析置永州天寶元年改為江華郡乾元元年復為道州今郡界有都龐嶺亦謂之永明嶺又有眊渚嶺今謂之白芒嶺是也

元領縣五

今四

營道

靈遠

永明

江華

一縣廢

大曆

併入靈遠

州境

東西一百九十五里

南北三百一十里

四至八到

西北至東京三千五百八十二里

西北至西京三千五百八十里

西北至長安三千九百三十一里

東至郴州六百里

南至賀州四百四十里

西至永州二百六十里

北至永州三百里

東南至郴州三百里

言里才

寰宇二百十六

二

西南至永州嶮峻無路

西北至永州嶮峻無路

東北至韶州五百里

戶

唐開元戶二萬二千五百五十一

皇朝戶主九千七百二十五客七千五十

風俗

與五嶺接界大抵炎熱元無瘴氣俗尚韶歌因舜二妃泣望瀟湘風俗號曰湘夫人又云湘君遂作此辭其來久矣織造麻葛竹簾草席別有山僑白蠻俚人三種類與百姓異居親族各別書曰島夷卉服是也

人物無

土產

零陵香

白紵布

朱砂

水銀

鍾乳

荔枝

折稅徵白蠟

道州土地產民多矮每年嘗配鄉戶貢其男號爲矮奴唐陽城爲刺史不平以良爲賤又憫其編氓歲有離異之苦乃抗疏論而免之自是乃停其貢民皆賴之無不泣荷

營道縣

元十  
三鄉

本漢之營浦縣地屬零陵隋平陳改營

浦爲永陽唐武德四年自今延唐縣移營道縣於

此理移永陽縣於今郡西南一百一十里天寶六

三引六十六福

寰宇一百十六

三

年改營道爲引道今復舊名。營水在縣西一里經故城合巢水自東南來西流於故城南合營水謂之營陽峽其故城今已堙滅無復遺址。舜廟先在九疑山靈遠縣界永泰二年刺史元結奏置在縣西一里。五老人廟古老相傳國子司業陽城除道州至于襄陽見五老人臨江拜迎自稱道州百姓因各與絹并幘頭問其所居曰家住城西北五里城至州訪之吏曰城西北無居人唯有五龍井往驗之見所遺物皆置石上遂立五龍及五老人廟也。營道山在縣北五十里先名龍山其山形屈曲如龍天寶六年勅改爲引道山。沱水

源從九疑山沱洞出自江華縣女絃潭流經縣前過

**寧遠縣**

東七十五里  
元十五鄉

本漢泠道縣地屬零陵郡今縣

東南四十里泠水東泠道故城即是漢理於此晉分屬營陽郡宋齊不改梁陳屬永陽郡隋平陳廢入營道自奔巢二水口移漢營道縣於此唐武德四年移營道縣就州郭於此置唐興縣長壽二年改名武盛神龍元年復改爲唐興天寶元年又改爲延唐縣梁改爲延昌縣後唐同光初復舊晉天復初改爲延喜縣後復舊 皇朝乾德二年荆湖轉運使張永錫奏以戶口少其大曆縣春陵場割入延唐縣其延唐縣又奉 勅改爲寧遠縣。

四  
三十午

案字一百十六

四

舜廟在縣南六十里九疑山乾德六年勅置。九疑山在縣南六十里永郴連三州界山有九峯參差互相隱映湘中記云九峯狀良相似行者疑之故曰九疑舜所葬爲求陵是也秦皇漢武曾望祀焉。天門山在縣東南四十里平地直上一千餘尺雖晴霽望之於下亦見其頂。泠道水在縣南五十里沿流至縣前三十里入大陽江口。春山在縣東北七十里五山相接山勢峭秀春水出焉。廢泠道縣在縣東四十里隋開皇九年廢入營道縣其縣臨泠道水爲名齊蕩寇將軍李道辯所封之邑今唐樂洞姓李者是其裔也。蕩寇將軍

古城即李道辯古城在縣東六十里齊朝以道辯  
為南道開拓南蠻大使築城於此。廢春陵古城  
在縣北五十里不詳建置隋開皇九年廢入營道  
縣其春陵乃漢長沙定王子劉買所封之地有廟  
在縣北八十里。廢大曆縣亦漢營道縣地後為  
延唐縣地唐大曆二年湖南觀察使章貴之奏延  
唐縣於故春陵侯城北十五里置大曆縣以年號  
為名。皇朝乾隆二年以戶口不多割入寧遠  
縣焉。上流水源出縣西四十里。上流山東流  
縣理南又東入郴州平陽縣界在衆流之上為名  
求明縣

求明縣

西八十里  
元八鄉

本漢營浦縣地隋平陳改營浦為

四子社

寰宇二百二十六

五

求陽縣武德四年自今延唐縣移營道縣於今州  
理因移求陽縣於州西南置即今縣是也貞觀八  
年省求陽入營道天授二年再置天寶元年改名  
求明縣因縣界求明嶺為名。掩山在縣西北三  
十里接營山又西連青山有一巖穴口有石掩塞  
因為名

江華縣

南九十里  
舊十鄉今七鄉

本漢泠道縣地唐武德四年於

此立江華縣文明元年改為雲溪縣神龍初仍舊

。吳望山在縣南五十里本名秦山其水鳴咽如  
秦川隴水因為名湘中記云縣界有山孫權未  
建號初忽聲如雷因開洞穴石有文彩權以為瑞

天寶六年勅改爲吳望山山下有巖名秦巖長二百九十一丈從巖口入用火而行至一處如毬場平正宥有透明

### 永州

**永州**

零陵郡今理零陵縣

永州春秋及戰國時皆爲楚之南境

秦并天下屬長沙郡漢武帝析置零陵郡屬荊州後漢及三國皆因之故後漢書云零陵太守陳球先爲郡多下濕築土城不得乃編木爲城球明方略有守備故後人賴之即今郡城也至宋永初元年封晉恭帝爲零陵王國於此以爲三恪傳國四葉梁陳皆爲郡故梁書列傳云孫謙字長遜爲零陵太守有善績

三言四十二先

案字二百二十六

六

吏人安之先是部多猛獸謙至絕迹及去官之夜猛獸即害居人隋平陳廢郡置永州蓋以求水名郡也煬帝初州廢後爲郡唐武德四年平蕭銑置永州領零陵湘源祁陽灌陽四縣七年省灌陽貞觀元年省祁陽縣四年復置天寶元年改爲零陵郡乾元元年復爲永州南去湘水八里西去瀟水三十步

元領縣五

今三

零陵

祁陽

東安

二縣割出

湘源

灌陽

二縣爲全州

州境

東西二百八十五里

南北二百五十里

四至八到

北至東京三千一百一十五里

西北至西京三千一百里

西北至長安三千二百里

東至道州水路三百里

南至道州界一百一十五里

西至邵州武岡縣界二百二十二里

北至衡州五百八十里

東南至道州二百一十五里

西南至桂州五百五十里

三才良

寰宇二百十六

七

西北至邵州三百一十二里

東北至衡州陸路五百七十里

戶

唐開元戶一萬五千一百

皇朝戶主八千一百四十八客六千二百三十

風俗

與桂州同

人物

蔣琬爲蜀丞相 黃蓋零陵人隨周瑜拒曹公於赤  
壁建營拜中郎將有大功 臧榮緒晉御史大夫

唐沙門懷素善草書

土產

白花蛇

細葛

零陵香

斑竹

朱砂

石鷲

磬石荆州記云零陵郡界通出石磬亞於徐州

苞茅山川記云野有香茅貢以縮酒左氏謂楚貢包

茅不入是也湘州記云其俗八月上辛日把以祓神

零陵縣

元十  
五鄉

本漢泉陵縣地理志屬零陵郡在州

東南八十步縣南有鳴石又有香茅芬馥數里古

人以縮酒即禹貢荆州所貢者也自魏晉迄于梁

陳相次不革隋平陳大將軍周法尚巡撫江南遂

改零陵郡爲永州因廢泉陵縣爲零陵縣仍移於

三李朝

寰宇二百十六

八

州城南三里即今縣城是也。麻山在州西北一

百一十五里其山野麻周遍與種植無異人多採

之故曰麻山。乳泉山在州西北一百四十里其

山有水懸流潺湲似乳因名之。舡槽山在州東

南一百里其山兩岸壁立十里翳天有路中過激

瀨屈曲三十六處渡河掩映狀若舡槽因而立名

。鴉山在州南一百五里山有怪石纍纍成形望

之似鴉。大陽山在州西二百四十里其山在大

陽水際。俞山在州南三十里一名石室山山面

臨瀟水聳峻萬峯古老相傳郡有名人累朝不絕

因此山。焦山在州西北一百里上有一池及堦

砌圓壇左右梨橘春足名花傳云是昔舜南巡所  
憇之處。求山在州南一百五十二里其山接求  
陽在求水之上故曰求山至於州名亦由此山。  
蘭巖王韶之神境記云蘭巖山其路阻嶮絕人行  
跡有石室嘗有雙白鵲翔集其上復有孤松千丈  
石路松墜乃雲霞之中館宇矣。九疑山山海經  
云蒼梧之亡九疑山舜葬之所湘中記云九山相  
似行者疑惑故曰九疑神境記云九疑山裏復有  
三峯望之似人形。三叢山郭仲產湘州記云三  
叢山石室高二丈。秦川山水聲如秦川水之鳴  
咽。乳穴有一穴名深穴在州南九十里穴門最

深。鴉山穴在州南一百二里所謂鴉山穴者在  
鴉山之中。太平穴在州南一百里穴口平野可  
以遊樂故有太平之稱。三門穴在州南九十里  
穴口有三重石門。瀟水在州西三十步源出營  
道縣九疑山亦曰營水至麻灘與求水合流一百  
四十里入湘水謂之瀟湘今二水合流之處東岸  
有瀟湘館水闊五十丈深五丈。湘水經州西十  
餘里北流營水亦東來經州南又西北合營水成  
湘江。都溪水經注云都溪水出舂陵縣西有五  
溪俱會於縣有五色山山有一溪五水會於其間  
故云都溪。菁口湘州記云都溪水又西北合營

水謂之菁口。呂蒙城在縣北二里昔吳命呂蒙收湘潭唯永州刺史郝普不降蒙築城以守之今雖歲久竹木參天城壘宛然唐大中十四年州境炎旱祈禱有應遂勅廟宇。泉道故城漢縣廢城在今縣正北二里隋移縣於今理此城遂廢。舜廟按湘中記云在縣北角是漢泉陵縣也今在縣北二里廟良儼然風俗通云章帝時零陵文學奚景於舜祠下獲玉琯十三枚即王母所獻玉琯也。湘妃廟堯之二女降于虞舜舜狩蒼梧不返二妃奔喪泣望九疑傳于湘渚之竹班皆其淚痕也今有古廟存焉。龍伯高冢在州西隔湘水一里

四女元

案字一百十六

十

即縣西北二里按地理志云泉陵之西有龍伯高冢昔馬援戒其子曰龍伯高敦厚周慎口無擇言吾敬重之欲汝曹効之龍伯高時爲零陵太守沒後葬此冢存。雷石成本是雷石鎮唐神龍年中改爲成在州南一百二十里本爲南賊侵掠地境以道州引道縣接界御史趙履溫置此鎮以押瀧口兼斷水陸奸虞四阜峻嶺東臨瀟水有奇石激浪騰波洶湧聲如雷震聞於數里因名雷石。鳴水柵在州南一百一十四里以延載年中置所謂鳴水者有水從石崖而出懸空數十丈而落下注盤石其聲聞於數里故曰鳴水今爲鎮矣。更生

鄉楚國先賢傳云鄭產泉陵人爲白土嗇夫泉陵故城在縣北三里舊有白土鄉漢末民凡產子一歲輒出口錢人多不舉子產乃勸百姓勿得殺子口錢當自代出其郡縣爲表上口錢因得除更名白土爲更生鄉是也○筆冢唐時草聖沙門懷素零陵人也立臺塔在州東五里有墨池筆冢見存

祁陽縣

北九十里元十四鄉

漢泉陵縣地吳分泉陵於今縣東

北九十里立祁陽縣屬零陵郡隋平陳省併入零陵縣武德四年復置於今所貞觀元年又省四年又置○石鷲山在縣西北一百一十五里一名石鷲洞按甄烈湘州記云石形似鷲大小如一山明

四廿二福

案字一百十六

十一

雲淨即翩翩飛翔羅舍湘中記云石鷲在泉陵縣雷風則群飛翩翩然其土人未有見者今合藥或

用○湘水南自零陵縣界來東北流經縣南三十步又東北流入新寧縣界○白水山在縣東南一百四十里有水懸流色白因號曰白水入湘川○

白鶴嶺在縣東五十里南接九疑北連衡岳下有洞天通循州羅浮山○唐中興頌碑在縣南五里浯溪口上元二年荆南節度判官元結文撫州刺史魯國公顏真卿書其字甚大大曆六年刻其頌末云湘江東西中有浯溪石崖天齊可磨可鐫刊

此頌焉俗謂之磨崖碑

東安縣

西一百二十里二鄉

本零陵縣地丙申歲馬氏割據時

析零陵縣置東安場以近東安江岸為名

皇朝太平興國七年改為縣○龍山在縣東二里

山下有湧泉嘗有龍影現因號龍山○趙家山即

在縣南二十里上有石泉長滿○黃華山人有獵

者見二鹿有人問云見二馬不荅曰但見二鹿人

云吾為虞帝使至衡山與安上道士相聞此是吾

馬也○石鼓若鳴有師旅扣之鳴者勝不鳴者敗

全州

全州

今理清湘縣

本漢洮陽縣地在湘江之西岸晉天福

四年於永州清湘縣置全州仍割清湘灌陽二縣以

三十五里

案字一百六

十一

屬焉從潭州節度使馬希範之請也

今領縣二

清湘

灌陽

州境

東西一百二十五里

南北二百五十五里

四至八到

東北至東京三千一百九十二里

東北至西京三千一百七十里

北至長安三千三百六十里

東至永州一百三十里

西至桂州二百五十里

南至昭州三百三十六里

北至邵州四百二十里

東南至道州一百四十里

西南至桂州一百四十三里

東北至永州一百九十五里

西北至邵州扶陽場一百三十里

戶

舊戶載永州籍

皇朝戶主五千一百一十七客二千四百六十二

風俗

與永州同

二、八八定

寰宇二百十六

十三

土產

貢斑竹簾篔

長通箭箬

零陵香

細白葛

已上二物唐求徽年中罷貢

清湘縣

舊六鄉今五鄉

本漢洮陽縣以洮山為名屬零陵郡

晉武帝太康末於此立湘源縣以湘水源為名按

零陵郡古理在今縣南七十八里有古城存隋平

陳廢零陵郡地入湘源縣唐武德四年再置永州

湘源為屬邑後唐時節度使馬殷改為清湘縣以

地扼桂嶺之路晉天福四年割入全州。三湘湘

源湘潭湘鄉是謂三湘。湘山在縣西四十六里

。宜湘水在縣北九十五里出縣界之歌山東流

入湘江。滔水在縣北五十里南流入湘江。故兆陽縣在縣西北三十五里漢元鼎六年置在平川隋開皇九年廢。金坑七所採金之所今廢乳穴三所今廢焉。

**灌陽縣**

比去州九十里今五鄉

本漢零陵縣地隋大業十三年

蕭銑析湘源縣置唐武德七年併還湘源至上元二年觀察使呂誼奏置。梳子山在縣東二十里。笏山在縣南五里山形如笏。抱子山在縣東南五十里其山重疊如人抱子。乳穴四所在縣界今廢。灌陽水源出桂州全義縣經縣界一百九十里至州東合湘水

云土至良

寰宇一百十六

十四

太平寰宇記卷第一百一十六

太平寰宇記卷第一百一十七

江南西道十五

郴州

連州

桂陽監

郴州

**郴州**

桂陽郡今理郴縣

春秋戰國時屬楚秦屬長沙郡史記

項羽徙義帝於長沙都郴即此地漢高祖二年分長

沙南境立桂陽郡領縣十一理郴屬荊州後漢光武

四年移理耒陽後復還郴宋孝武帝徙順陽王休範

為桂陽王齊高帝封子鑠為桂陽王明帝封子寶貞

為桂陽王梁武帝封弟融為桂陽王皆此地梁元帝

三ノ單

寰宇一百十七

一

又分其地置桂陽廬陽二郡俱屬東衡州隋平陳廢

桂陽廬陽二郡立郴州因漢縣名也至大業三年以

州為桂陽郡唐武德四年平蕭銑置郴州領郴廬陽

義章臨武平陽晉興六縣七年廢義章平陽二縣八

年省晉興天寶元年改為桂陽郡乾元元年復為郴

州晉天福初改為乾州避廟諱漢初復舊名

元領縣八

郴縣

臨武

藍山

高亭

資興

平陽

義昌

義章

州境

東西

南北

四至八到

西北至東京三千里

西北至西京三千一十里

西北至長安三千二百七十里

東至吉州一千二百五十里

南至韶州五百里

西至道州六百里

北至衡州三百里

東南至虔州一千一十二里

西南至連州三百九十三里

西北至衡州同上

一十七定

寰宇一百一十七

二

東北至吉州五百一十里

開元戶

一萬六千

皇朝戶主六千三百三十八客一千一百六十二

風俗

與潭州同

人物

郭玷字叔平桂陽郴人遭父憂哀號毀瘠有白鹿來

偶焉

土產

白紵布

朱砂

青茆可以染青尤勝於藍

郴縣

一十鄉

本漢舊縣項羽徙義帝之所都也漢高帝

立桂陽縣於此屬桂陽郡晉天福初改為彰化漢

初復舊。萬歲山有靈壽草仙方服之不死漢平

帝賜孔光靈壽杖出於此山山有圓泉一邊水暖

一邊水冷。話石山石有聲如人共語。黃箱山

一名黃岑山在縣東南三十六里其山郴水所出

即是五嶺之一從東第二騎田嶺也又有浪井井

三日一湧。馬嶺山按輿地志云馬嶺山在縣東

北五里昔有仙人蘇耽入此山學道白日上昇今

有祠甚嚴山與黃箱山相連又按庾穆之湘州記

云馬嶺山者以蘇耽昇仙之後其母每來此候之

四三十三午

案字一百一十七

三

見耽乘白馬飄然故謂之馬嶺。溫泉荊州記云

郴縣溫泉下流有田資以溉灌常十二月下種至

明年三月新穀登重種可一年二熟也其源出縣

北留岡。橫溪貪泉在郴縣西岑山山即騎田之

嶠五嶺之第二嶺也盛弘之云眾山水出注于大

溪號曰橫流溪溪水甚小冬夏不乾亦謂之貪泉

飲者輒冒於財賄同於廣州石門貪泉矣。酒官

山水作酒最佳在邑界。綠溪水如真綠可染色

○桂陽水。郴水水經郡東一里北流入耒水

臨武縣

西南二百一十三里三鄉

漢舊縣也屬桂陽郡蓋因縣南

武溪水為名按漢志注云秦水東南至洧陽入匯

今縣理南有溱水東流入武水又東經義章縣南五十里又東入韶州界縣南六十里有小順嶺與連州分界。九疑山甄烈湘州記云其山峯數有九秀峙若一。萬歲山湘州記云萬歲山有千秋水又荊州記云萬歲山有千秋池是也。熱石輿地志云臨武縣有熱石置物其上立見焦爛

**藍山縣**

西南三百三十里四鄉

本漢南平縣也今縣東七里有

南平故城存即隋平陳廢此縣移臨武縣焉武德七年臨武又還本理咸亨二年復置南平於今理天寶元年改爲藍山縣因縣南藍山爲名也。九疑山在縣西南五十里。舜源水在縣南九十步

四十五

寰宇一百一十七

四

藍山在縣南七十里。黃藤山今謂之都龐山在縣南九十里與連州分界山南有汧水南流即是五嶺從東第三都龐嶺是也

**高亭縣**

北九十里四鄉

本漢便縣地屬零陵今縣東南一里

有古便城即漢爲邑理所其城亦南臨耒水晉初省陳復置隋平陳復廢以地入郴縣開元十三年安撫使宇文融奏割郴縣北界四鄉置安陵縣天寶元年改爲高亭縣因山爲名。高亭山在今縣東一百三十里。安陵水在縣北一百步初建縣名因此水

**資興縣**

東一十二里五鄉

本漢郴縣地後漢於此置漢寧縣

吳改曰陽安晉太始元年又改爲晉寧梁承聖中  
以縣屬廬陽郡隋平陳罷廬陽郡仍省晉寧縣開  
皇十一年又置仍改名晉興貞觀八年廢咸亨三  
年復置又改名資興按今邑城南俯耒江北帶長  
嶺○石井山在縣南二十里○道人山在縣南八  
十里○秋溪水在縣十里西流入清要水

平陽縣

西九十七里九鄉

漢郴縣地按桂陽記云東晉太興

三年陶侃於今理縣南九里置平陽郡及縣陳太  
建十二年郡縣俱廢隋末蕭銑析郴縣於平陽故  
郡北置平陽縣武德四年平蕭銑因而不改七年  
省八年復置○潭流山在縣西北一百三十里○

四一祖

寰宇二百二十七

五

石門山在縣西南一百二十里○鍾水一名衡唐  
水自西南來穿右門山東北流經縣東三十五步  
又北入常寧縣界

義昌縣

東南三百三十里四鄉

本漢郴縣地輿地志云晉太始

元年分郴縣置汝城晉寧二縣屬桂陽郡陳太建  
五年省併汝城晉寧二縣立廬陽郡領廬陽一縣  
至隋平陳郡廢以縣屬郴州天寶初改爲義昌縣  
按縣東至虔州七百九十二里○耒山在縣南三

十里耒水源出北山西流經縣西三里又西北流  
入郴縣界○烏龍白騎山湘州記云汝城縣東有  
烏龍白騎山遠望似有黑石如龍白石如馬兩面

羅列故號曰烏龍白騎山

義章縣

東南三百二十五里五鄉

本漢郴縣地隋末蕭銑亂分郴

縣於今縣北三十五里立此縣唐武德四年討平

蕭銑因此不改其縣北臨章水因為名七年又

廢至八年復置改為高平縣開元二十三年復為

義章。嵐嶺山一名東温嶺在縣南七十五里其

山中斷於其處架橋以通行李。章水在縣北六

十五里源出黃岑山東流入武水合

連州

連州

連山郡今理桂陽縣

春秋楚地秦為長沙郡之南境二漢

為桂陽郡之桂陽縣也吳屬始興郡晉因之宋明帝

四十七

寰宇一百二十七

六

於此立宋安郡後省宋安郡屬廣興郡按宋書州郡

志云宋改始興郡為廣興郡即今韶州也齊如之梁

天監五年又分為陽山郡隋平陳郡又廢至大業中

又立為熙平郡郡國志云連州熙平郡管縣三是也

唐武德四年平蕭銑置連州以郡南有黃連嶺為名

天寶元年改為連山郡乾元元年復為連州又按十

道記云連州自貞觀中屬江南道開元天寶中屬嶺

南道乾元後屬湖南管此州當郴州西南二百一十

里臨武縣西南古都龐嶺南泝水西二十步其泝水

東流南經陽山舍泝二縣南東至潁陽縣界舍泝水

據嶺及泝水言之合屬嶺南道

元領縣三

桂陽 陽山 連山

州境

東西二百九十五里 南北二百五十七里

四至八到

西北至東京三千四百八十九里

西北至西京三千四百五里

西北至長安三千六百五十里

東至郴州高亭縣二百一十里

南取淮江沿流至廣州八百九十里

西至賀州疾路二百六十九里取連山縣桂嶺路三

言才

寰宇二百二十七

七

百六十里

北至郴州藍山縣二百五里

東南至韶州五百一十里

西南至封州六百里

東北渡嶺至郴州三百九十里

西北至道州水陸相兼五百七十里

戶

唐開元戶八千三百

皇朝戶主六千二百六客七千五十四

風俗

與郴州同

人物無

土產

鍾乳

郡國志云連山縣出金及石碌鍾乳是也

細布

白苧

水銀

朱砂

白蠟

桂陽縣

元十

八鄉

舊漢縣在桂水之陽以爲名隋大業中

移郡於此。桂嶺五嶺之一也山上多桂因以爲名。黃石山庾穆之荊州記山出銀礫人常採之左思賦金革銀朴蓋謂此。黃蘗嶺郡國志云蘆水北出黃蘗嶺復有進水出焉。乳穴邑界有鍾乳穴三十七所歲進貢。湘穴湘中記云斟溪西通江水其穴若井或涸彌年或一日之間兩三盈

三十九十三支

寰宇一百二十七

八

一曰湘穴是也。泉水始興記云泉巖河一日十盈十竭若湘水焉又曰泉山峭壁高竦瀑布飛流又郡國志云白水出潭頭山望之皓然也。靜福山在縣北五十里梁廖冲者字清虛爲本郡主簿西曹祭酒湘東王國常侍大同三年家於此山先天二年飛昇於此山後刺史蔣防仰慕高風刻石爲碑。貞女峽在縣南一十五里郡國志云貞女峽有石臨水狀若婦人云秦時女子採螺於此遇暴風雨晝晦忽化爲石。方山郡國志云方山對九疑山高下相類。海陽池在郡城西南隅水自中子山激流至池入于江。温湯在縣六十里平

地湧出泉水四時常溫一邊冷一邊溫流入湟水  
○五溪水在縣西合爲一江倉眼水崑湖水橫溪  
白水葉腐溪水相思白水過陽山縣入廣州又有  
奉化等五水奉化水輔國水上下盧水高良水銅  
官水合爲一江從縣東北流至州城下○湟水在  
縣南一里漢書西南夷傳伏波將軍路博德出桂  
陽下湟水即此也○沂水一名瀘水出黃巖嶺

**陽山縣**

東南一百四十  
七里元三鄉

漢縣按郡國縣道記云陽山

縣理沂水之國即其故墟本南越置關之邑故關  
在縣西北四十里茂溪口是也漢元帝封長沙孝  
王子宗爲陽山侯後漢省入含沂晉平吳又分含

四  
三  
千  
年

寰宇二百一十

九

沂復置在沂水南大康地志云陽山縣屬始興郡  
宋齊不改梁天監六年於今含沂縣西二里置陽  
山郡以縣屬焉開皇十年廢郡以縣屬連州神龍  
元年縣移於沂水北即今縣也郡國志云陽山縣  
若官長臨之擢輒非次太史觀云地勢使然乃鑿  
斷連岡流血成川城因傾焉○乳穴在縣界諸山  
悉是歲爲土貢○陽山關史記云尉佗移檄陽山  
關曰盜兵且至急絕道聚兵自守今縣北當騎田  
嶺路素於此立關漢破南越以爲縣○箭山溪郡  
國志云箭山溪有鸕鶿戍狸頭礪石出焉○聖鼓  
郡國志云秦伐樟樹造大鼓徑一丈二尺一夕自

飛至桂陽郡臨武界因號為聖鼓

**連山縣**

西北一百六十里  
舊二鄉今一鄉

本漢桂陽縣地梁武帝分

桂陽縣西北置廣惠縣隋開皇十年改為廣澤仁  
壽元年以太子諱改為連山縣邑界少有平陸乃  
以連山為名○鍾乳穴凡五十六所三十七所在  
縣桂陽山一十九所在陽山縣○銅山五所

桂陽監

**桂陽監**在桂陽洞之南歷代已來或為監出銀之務

也晉天福四年割出郴州平陽臨武兩縣人戶屬監

監境

東西一百一十五里 南北二百一十里

二十七里

寰宇一百一十七

十

四至八到

圖經上未有至東京里數

東至郴州六十五里

西至道州一百七十里

南至連州二百三十里

北至衡州三百里

東南至韶州三百二十里

西南至賀州三百七十里

東北至潭州七百一十里

西北至永州三百五十里

戶

今管主客戶四千四十七丁九千二百六十口只納銀無秋夏稅

主一千五計丁三千三百四十二每月係銀九百二兩零

客二千七百八十計丁五千四百八十八每月係銀一千四十二兩有零

又有山河戶二百六十二計丁四百三十每月銀五十四兩有零

風俗

與郴州同

土產

三十二卷

案字二百十七

十一

古來貢銅鉛今出銀

管烹銀冶處。太宜坑在監西南城內。石鷺場在

監北城門外二里。毛壽坑在監西北二十里。

大龍西塘方倉龍岡武全等坑共一處在監西南

晉嶺下八十里。大湊岡在縣監西出銀鉛鑛

砂。白竹岡在監西南八十里出銀鉛鑛砂。晉

嶺在監西南八十里出銀鉛鑛砂。九鼎岡在

監北七十里出銀鉛鑛砂今廢。藍嶺在監西

一百里出銀鑛今廢。潭流嶺在監西北一百

三十里出銀鑛今廢。聖泉在壇山監西北九

里出聖泉供一人至一百人亦足。衡塘水在

監北三十里通舟船北流會湘源水出衡州。落  
星江在監南九十里下至韶州

太平寰宇記卷第一百二十七

五十

寰宇一百十七

十二

校勘

郴州總序

梁元帝又分其地置桂陽廬陽二郡

按隋書地理志郴縣舊置桂陽郡又廬陽  
縣陳置廬陽郡平陳二郡廢與通典郴州  
所序略同今記皆以爲梁元帝置未詳所  
據

七十七午

寰宇一百二十七

十三

太平寰宇記卷第一百一十八

江南西道十六

澧州

即州

澧州

**澧州**

澧陽郡今  
理澧陽縣

春秋戰國時其地屬楚秦為黔中郡

漢改黔中為武陵郡屬荊州今州即武陵郡之零陽

縣地吳永安六年分武陵郡西界立天門郡此即郡

之境晉為南義陽郡輿地志云晉末以義陽流人在

南郡者立為南義陽郡寄在荊州隋平陳廢義陽郡

置松州尋改為澧州州在澧水之北故取為名煬帝

二十九先

寰宇一百十八

一

大業初廢澧州為澧陽唐武德四年平蕭銑置澧州

領孱陵安鄉澧陽石門慈利崇義六縣貞觀元年省

孱陵縣天寶元年改為澧陽郡乾元元年復為澧州

天寶初曾割屬山南東道今屬江南西道

元領縣四

澧陽

安鄉

石門

慈利

州境

東西一千六百九十七里 南北一百六十里

四至八到

北至東京一千六百五十五里

北至西京一千六百五里

西北至長安一千六百六十五里

東至岳州陸路四百四十里水路六百二十里

南至郎州一百八十里

西至溪州水陸相兼一千三百里

西至黔州二千里

北至江陵府三百里

東南至郎州龍陽縣界四百五十里

西南至辰州一千三十八里

西北至峽州七百五十里

東北至江陵府公安縣五百七十里

戶

二〇五二支

寨宇一百十八

二

唐開元戶二萬五千

皇朝戶主六千一百三十六客五千八百一十

風俗

大同荆楚然少雜夷獠之風

人物無

土產

龜甲綾

五紋綾

牛膝

紵練紗

光明沙

澧陽縣

舊二十七鄉今七鄉

本漢零陽縣地漢書地理志屬武

陵郡在澧水之陽故以為名。大浮山谷中有自

然石室戶牖上有青玉壇方廣三文自非煉行精

誠莫能覩也。嵩梁山按此山在澧水之陽望之如香爐之狀今名石門吳永安六年自然洞開玄卽如門高三百丈門角上各生一竹倒垂下拂謂之天帚孫休以爲嘉祥置郡因山爲名隋文帝改曰石門縣也。崇山在縣南七十里書曰放驪兪于崇山。澧泉漢書地理志云充縣歷山澧水出焉又離騷云沅有芷兮澧有蘭也。澹水王仲宣贈士孫文始詩云悠悠澹澧是也。黃溪溪在澧陽縣西沂流鑿石數丈有石神神靈頗有異民嘗待冬以祀之。洳溪源出龍洳山極清。澧陽申明公城皆楚大夫邑於郡地。故崇義縣城本漢

寰宇一百十八

三

四十五祖

充縣地屬武陵郡晉省充縣立臨澧縣太康地志云臨澧屬天門郡隋開皇中分臨澧立崇義縣屬衡州十八年改爲崇義縣卽此城

安鄉縣

東一百一十三里依舊五鄉

本漢舁陵縣地屬武陵郡後

漢爲漢壽縣地晉末曾立爲義陽郡至梁廢之隋平陳分立爲安鄉縣屬澧州

石門縣

西九十八里依舊四鄉

本漢零陽縣地屬武陵郡吳分

三縣置天門郡隋平陳罷郡爲石門縣屬澧州。

層山盛引之荊州記云此山外望只如一山入襄乃有二重因號層山也又郡國志云層步山側有

石亭立三尺如人形號曰層山神。澧水出此邑

界○孱陵故城郡國志云劉備妻孫夫人居處

**慈利縣**

西水路相接二百五十里依舊五鄉

本漢零陽縣地荆州圖副

云以界內有零溪水爲名隋開皇十八年改零陽爲慈利縣。九度山郡國志云九度山有仙人石樓其石形似樓因以名。無子水夷言施他水漢音無子水郡國志云此水飲之令人無子。銅盤灘郡國志云連錢銅盤石焉此澧陽之灘嶮也大寒鈷鉞皆陂名。無窮山。道人山。赤崖山。瓊溪。石門。黃石溪。油水山。白石山已上皆郡界之山水

郎州

三十九七名

寰宇二百十八

四

**郎州**

武陵郡今理武陵縣

禹貢荆州之域春秋及戰國時並屬

楚爲黔中郡漢高帝五年更名武陵郡武陵記云後

漢梁松自義陵郡移居張若城今州東張若城是也

又武陵記云太常潘濬征樊仲平五溪還以郡城大

而難固築障城移郡居之輿地志云梁太清四年湘

東王承制於荆州割武陵郡置武州陳文帝天嘉元

年分武陵立沅陵郡隋文帝開皇九年改武州爲辰

州又改爲高州十六年改高州爲郎州煬帝初改爲

武陵郡唐武德四年平蕭銑置郎州天寶元年改爲

武陵郡乾元元年復爲郎州天寶初曾割屬山南東

道今屬江南道

元領縣二

今三

武陵

龍陽

桃源 新置

州境

東西五百五十里

南北二百五十五里

四至八到

東北至東京一千八百二十里

北至西京一千七百八十五里

西北至長安二千四十五里

東至岳州六百里

南至潭州界一百一十三里

西至辰州水路四百六十五里

二十七良

寰宇一百二十八

五

北至澧州一百八十里

東南至潭州四百里

西南至辰州沅陵縣界二百九十六里

西南至邵州八百里

西北至澧州石門縣界一百里

東北至澧州安鄉縣界二十八里

東北水路至岳州五百三十里

戶

唐開元戶二萬一千

皇朝戶主一萬二千二百四十里客三千四百五十一

風俗

與澧州同

人物無

土產

白紵布

芒消

蠟

紫苑

州出此藥入貢因名紫苑

五入簞

武陵縣

舊一十二鄉今八鄉

本漢臨沅漢壽二縣地漢書地理

志臨沅縣屬武陵郡後漢建武二十四年武陵蠻

叛遣伏波將軍馬援率四將軍征討破之於臨沅

蠻悉散走入竹林中即此地也晉起居注云隆安

三年縣廨有石榴六子同蒂太守庾恬上書以聞

。鹿山武陵記云鹿山有鹿穴昔宋元嘉初武陵

三六十六元

篆字二百五十

六

溪蠻人射鹿逐入一石穴穴才可容人蠻人入穴

見有梯在其傍因上梯豁然開即桑果靄然行人

翱翔不似戎境此蠻乃批樹記之其後尋之莫知

處所。壺頭山在縣東一百六十里邊有石窟即

馬援所穿室也室內有蛇如百斛船大云是援之

餘靈也。天門山按黃閔武陵記云上有葱如人

所種畦壟成行人欲取之先禱山神乃取氣味甚

美不然者不可得巖中有書數千卷人見而不可

取。黃聞山武陵記云昔有臨沅黃道直在此山

側釣魚因入桃花源陶潛有桃花源記今山下有

潭立名黃聞此蓋聞道真所記遂為其名也。風

門山有石門去地百餘丈每將欲風起此門先有黑氣若煙隱隱而上斯須風即竟天。石帆山石危起若數百幅帆形。陽山在郡西八十里有如塵前後有頭嘗以一頭食只一頭望視又有陽山祠按圖經云漢梁松爲征南將軍死於此山下遂爲神。虎齒山形如虎齒民嘗六月祭之不然即有虎害。移山在汧陽界本在江北岸因風雨一夕移度江南岸後以此名之。渟于山與白雉山相近在辰州武陵二郡界絕壑之半有一白雉遠望首尾可長二丈伸足翔翼若虛中翻飛即上視之乃有一石雉舒翅綴着石上山下有石室數畝

望室裏雖閣猶見銅鍾高丈餘數十枚其色甚光明。武陵山中有秦避世人居之尋水號曰桃花源故陶潛有桃花源記又云山上有神母祠。枉山在郡東十七里有枉水出焉山西有溪溪口有小灣謂之枉渚山上有楚祠存。沅水北流至長沙入洞庭湖酈元注云沅水又東帶綠蘿山頽巖臨水懸蘿釣渚漁詠幽谷浮響若鍾。卽水其水西南自辰錦州入郡界經郡城入大江謂之卽江漢書謂何劭所封於此。滄浪水皆在縣西二水合流蓋出鐘城縣北界山谷求初山川記云漢水古爲滄浪卽漁父所云滄浪之水清者此蓋後人

名之非古滄浪。泚水武陵記云即沅水之別派  
還入沅水其兩岸杜衡是產仍以杜衡爲村名。  
三雅池武陵記云舊臨此池者於池內得銅器三  
枚其題有伯雅仲雅季雅即劉氏之三雅也。純  
純陂隋開皇中刺史喬難陀修其利不減鄭白二  
渠今名白馬陂陂中有千葉蓮花。洞庭湖按湖  
夏水泛漲則接澧即岳三州界。丹砂井泉水赤  
如絳。明月池郡國志云武陵明月池深百丈見  
底。龍池謝承爲武陵郡時有黃龍見於郡東水  
中承拜而上賀因目其處曰龍池。鸛澤按劉義  
慶說苑曰晉羊祜領荊州於沅陵澤中得鸛教其

舞以娛賓因名爲鸛澤。放鸛陂郡國志云梁崔  
穆於此陂羅雙鸛因放之後鸛嚙玉璧一雙送穆  
庭中。鼎口沅州記云有水名鼎口則沅澧二江  
最深之處尤多魚按卽陵地圖云昔有神鼎出乎  
其間又黃閔武陵源記曰武陵郡東有水名鼎口  
每望川中行舟如樹之一葉。延溪武陵記云延  
溪有柘樹千餘頃枝條茂暢昔有鳥集其上枝下  
垂着地鳥去枝振殺之群鳥號嘯楚人取其枝爲  
弓名曰烏號楚子所造之弓蓋此溪之柘也。汎

洲水經注云汎洲者沅水東歷龍陽縣之汎洲故  
有此名又按襄陽記云李衡字叔平於武陵龍陽

縣之汎洲上作宅種甘橘千株臨終語其子曰洲上有木奴千頭不責衣食歲絹千匹即此洲也。魯子城昔有女子李娥死五日復活故號曰女子城後語訛謂之魯子城。採菱亭屈到採菱亭也。○清陵館郡國志云漢李陵爲臨汎令後沒匈奴邑人思之而立是館。娘子祠郡國志云武陵娘子祠即范蠡女之神也。石英渠本名後鄉渠唐穆宗朝溫造自起居舍人爲刺史開渠九十七里溉田二千頃郡人名其郡渠曰石英渠

桃源縣

西六十里二鄉

本武陵縣地

皇朝乾德二年以

卽州所管武陵龍陽二縣敷餘一場人戶不等仍

三石三六

寰宇一百十八

九

析武陵上下二鄉四千餘戶於延泉村別置一縣以桃源爲名并廢敷餘場入近縣從轉運使張永錫之所請也

龍陽縣

東南一百四十里舊五鄉今四鄉

本漢索縣地也吳分其地

立龍陽縣吳錄地理志屬武陵郡後不改酈元注水經云沅水歷龍陽縣之汎洲洲長二十里李衡種橘之所也



太平寰宇記中土宋刊本久不存 四庫著錄據浙  
江汪氏所進鈔本關一百十三至一百十九凡七卷  
而乾嘉間江西萬氏樂氏兩刊本更缺河南道第四  
一卷攷曝書亭所見池北書庫本亦缺河南道第四  
則審缺八卷矣余於森立之訪古志見有此書宋槧  
殘本藏楓山官庫意或有足以補中土所佚者因託  
脩史館監事巖谷脩探之並告知星使黎公行咨於  
其太政大臣借之以出計原書凡二十五冊爲蝴蝶  
裝其存者不及半焉廼以近刻本校一過其一百十  
三至一百十八湘鄉以下五縣則重刊之古逸叢書  
中並刊其卷首一表雖尚佚其二卷有半江南道第一卷一

寰宇記跋

一

百十元一卷一  
百十四尾數葉未爲完書亦足以慰好古之懷矣世  
傳岫屨禹碑始自宋何致一多有疑其僞造者今按  
此書於潭州下引庾仲雍湘州記云夏禹剌石書名  
在山之上而不敢質言之則樂氏時不見此碑審矣  
又錢竹汀養新錄稱元史地理志於郴州之郴陽縣  
云舊敦化至元十三年改今名疑敦字犯宋諱湖南  
爲宋土不得有敦化縣因據輿地紀勝引寰宇記爲  
晉天福初所改漢初復舊以訂其誤今此書與紀勝  
悉合其他所引逸書逸事不遑縷述固非後人所得  
臆補者也至江西兩刻本皆據傳鈔及活字本入木  
互有脫誤而萬氏本臆改尤甚世有好事君子因此

所存殘本以正江西兩刻又以兩刻互校而一一考  
樂氏所引原書雖未必盡復舊觀亦庶幾十得八九  
若陳氏蘭森臆補之卷固無論焉光緒癸未九月宜  
都楊守敬記於日本東京使館

附宋刊原本存佚卷數

序目錄全一卷全二卷全三卷存前十四卷缺五

卷存十四六卷存校勘七卷全八卷全九卷全

十卷存前十一卷缺十二卷存一至五又十三至

三十六并缺三十七存前三十八至四十三并四

十四存七四十五四十六并四十七第四四十

八存前四十九缺五十存第十五十一至七十一

寰宇記跋

二

并七十二存第二四 七十三至七十六并七十

七第三七十八缺第七七十九至八十八并八

十九存第七九十三存前九十一全九十二至九

十五并九十六存前九十七九十八并九十九全

一百全一百二全一百三缺一百四全一百五存

九存一百六八一百七全一百八全一百九全

一百十存前一百十一第八一百十二全一百

十三全一百十四存前一百十五全一百十六全

一百十七全一百十八全一百十九至一百廿三

并一百廿四存十三一百廿五全一百廿六至

一百三十二并一百三十三全一百三十四全一

百三十五全 一百三十六全 一百三十七全 一百

三十八存前六葉 百三十九全 一百四十并 一百四十

一全 一百四十二缺三四五 一百四十三存前一

百四十四至一百四十六并 一百四十七第三葉

一百四十八缺六七 一百四十九存前八葉 一百五十

至一百五十四并 一百五十五存第七葉 一百五

十六至一百六十并 一百六十一存第七 一百六

十二至一百八十六并 一百八十七存前四葉 一百八

十八第七葉 一百八十九存前九葉 一百九十至一百

九十三并 一百九十四第二葉 一百九十五全 一

百九十六全 一百九十七全 一百九十八全 一百

寰宇記跋

三

九十九全 二百存前六葉

刻成後迺知金陵書局已據樂氏祠本重雕校訂  
頗審惜乎其未見此宋殘本也十二月望日守敬

再記

致日本太政大臣公函

敬啟者敝國所傳宋樂史撰進之太平寰宇記二百卷乾隆年間

四庫著錄時即闕自一百十三至一百十九七卷無別本可補今聞

貴國官書庫中尚有此書宋本具在意欲煩請

貴大臣啟明

貴朝家借與本大臣一觀如此數卷尚存擬影刻補完亦同文盛事特此奉商順頌

日祉

光緒九年五月十二日

案年

欽差大臣黎庶昌

太政大臣兼修史館總裁三條實美閣下

敬啟者昨准

台函宋槧太平寰宇記一書承

貴朝家破格相借足為斯文之幸本大臣實任欣感所有交收此書已飭使署隨員楊守敬與貴館員巖谷修安為商辦端此復謝并頌

勳祺

光緒九年五月十七日

同上銜

太政大臣覆函

肅復者

貴大臣欲借我秘閣宋槧太平寰宇記影刻以補貴邦所傳之闕敬頌來意我秘閣藏本例不許外出而如本項則屬同文盛事乃稟啟

朝家破格以應請焉如其交收本大臣命館負巖谷修措辦

貴大臣亦使委負相商量而可并頌

台安

明治十六年六月二十日

太政大臣兼修史館總裁三條實美

欽差大臣黎庶昌閣下

稟字



